

— ديوان احساسى بىك —

# إحساسى

## بىك

للشاعر / أىمن خليل

— للشاعر / أىمن خليل —



إصدارات دار الحسينى للطباعة والنشر والتوزيع

اسم الكتاب: احساسى بيك - ديوان شعر

اسم المؤلف: ايمن خليل

رقم الايداع: ٢٢٩٠/٢٠١٨م

حقوق الطباعة محفوظة للمؤلف

لا يسمح بإعادة إصدار هذا الكتاب أو أي جزء منه أو تجزئته  
في نطاق استعادة المعلومات أو نقله أي شكل من الأشكال  
المعروفة حالياً أو التي ترد مستقبلاً دون إذن خطي مسبق  
المراسلات:

دار الحسينى للطباعة والنشر والتوزيع

المقطم الهضبة الوسطى الحي الرابع منزل رقم ٥٢٧٥ شارع عماد مصطفى

موبايل: ٠١١٤٤٠٥٩٩٧٥ ت: ٢٧٣٠٤٠٠٤

# إهداء

نبضات شعرية

تعبر عن كل ما أشعر به

فى الحياة

أمنى أن تروق لكم

مع خالص تحياتى

أىمن خليل

— ديوان احساسى بىك —

— للشاعر / اىمن خليل —

## تقديم

يسر مؤسسة الحسينى الثقافية أن تتبنى طباعة ونشر هذا الكتاب " ديوان احساسى بىك " وهو للشاعر أيمن خليل ، وهو شاعر موهوب يخلق فى سماء الشعر الحقيقى الذى يلامس القلوب ، ولسوف تتوالى إصدارات المؤسسة التى تلبى رغبات الشعراء والأدباء فى كل مجالات الإبداع خلال الفترة القادمة ، ولا يسعنا فى هذا المقام إلا أن نتقدم بالشكر الجزيل لكل من تعاون معنا فى سبيل تحقيق أهداف المؤسسة فى نشر الثقافة الحقيقية التى تعبر عن هوية الأمة ، وترتقى بالذوق العام وتواكب الحاجة الملحة لالقاء الضوء على ابداعات الشعراء والادباء خارج القاهرة ، ونخص بالذكر نقادنا الافاضل الدكتور حسام عقل، والدكتور على جاد الحق ، والناقدة رانيا مسعود ، والناقد عاطف عز الدين الذين يثرون الأعمال الأدبية بنقدهم البناء ، ان مشروع مؤسسة

الحسنى الثقافىة مشروع طموح لاستعادة دور مصر  
الرىادى الموكول بها فى عالمها العربى منذ بدء الخلىقة ،  
وسوف نمضى قداما لتحقيق هذا الهدف، وبذل الكثرى من الجهد  
لإيماننا بأهمىة الثقافة فى تحقيق النهضة المأمولة لأمتنا .  
لقد قررت المؤسسة منذ بداية عملها أن يكون فى أولىات عملها  
رعاىة الابداع والمبدعىن لاكتشاف المبدعىن الحقىقىن فى  
مجال الأدب ورعاىتهم وإلقاء الضوء علىهم من خلال النقد  
البناء لتسهىل فرصة حصولهم على الجوائز العالمىة فى  
مجال الأدب من خلال نقاد مؤهلین للنقد، كذلك فقد أطلقت  
المؤسسة مبادرة مىثاق شرف المثقفین أفراداً  
ومؤسسات وجمعیات. ونود فى هذه المقدمة أن نشیر إلى ان  
اهتمام مؤسسة الحسنى الثقافىة بشعراء وادباء الاقالیم شىئ  
أساسى ضمن سیاستها برعاىة الابداع والمبدعىن فى كل  
مكان فهناك الكثرى من المبدعىن فى حاجة لمساعدتهم  
والقاء الضوء على اعمالهم الادبىة، والمؤسسة لىست فقط

— ديوان احساسى بىك —

مجرد ندوات ادبية او ثقافية او فنية وإنما نرعى المبدعين في كل مجالات الابداع ، مثل الفنون التشكيلية وفنون المسرح والسينما وغيرها من الفنون. نضع بين يدي المثقفين هذا الكتاب ، آمليين أن يحوز على القبول والله الموفق

رئيس مجلس الأمناء

عبدالقادر الحسيني

— للشاعر/ أيمن خليل —

— ديوان احساسى بىك —

— للشاعر / أىمن خليل —

— ديوان احساسى بىك —

# إحساسى

## بىك

للشاعر / أيمىن خليل

— للشاعر / أيمىن خليل —

— ديوان احساسى بىك —

— للشاعر/ أىمن خليل —

## آخر تخريف

حبىبى جملة فعلية

وقاعدتها ف كتاب النحو ممنوعة من التصريف

فبىبى تعرب الماضى تلاقى فعلها مجزوم بدون تعريف

وتبىبى تعدل الجزمة عشان تبنيها للمعلوم

فىطلعلك حروف الجر وتجرى بأفعالك

لفعل المبني للمجهول

بدون توصيف

وتتخير .. وتخلف بالعظيم إنك ما تقصد

إلا فعل الخير ..

وإنك عاوز الجملة تكون شاملة إشارة الغائب الحاضر بكل ضمير

فتتحول لفاعل متهم .. وخطير

وتلقى تهمتك هى ( شروع فى حذف أدوات البنا .. وتزيف )

آخر تخريف

فتتخسر على حالك .. وتنكر كل أقوالك

وترمى كل قوانينك وتفانينك وأعمالك

وتستنى تكون الجملة إسمية

— ديوان احساسى بىك —

ماهى مركونة رهن إشارة رسمىة  
وإشارتها شمال شرق اتجاه فعلىن  
مابىن ماضى وبنى حاضر مشرف فوق سواد العىن  
سواد بسواد  
ماهىش فارقة .. تكون إسمىة أو فعلىة أو مفعول  
ماهو أصل الضمىر .. معلول  
وعلته عاوزة متخصص  
ىكون فاهم ودارس فى العلل بأصول  
ىكون خبرة فى تحوىل الجمل .. مش صول

\*\*\*\*\*

— للشاعر / أىمن خلىل —

## أحوال غريبة

للدنيا دي أحوال غريبة  
ساعة مكر..ودقيقة طيبة  
وقت ما تحب تصاحبها  
تلبسك أجدع مصيبة  
طبعها عند...ودناوة  
غباوة معجونة بشقاوة  
ولما تتصالح معاها  
ترد معروفك..قساوة  
لما تحلا لك....حتوخل  
تمد لها يمىنك..حتشول  
ولما تطلب منها نظرة  
ح تبص بعينها..وتحول  
إوعى تتغر بجمالها  
أو يخيل عليك دلالها  
أو تحس انك فارسها

———— ديوان احساسى بىك ————

إحترس ..حطاك فى بالها  
ويبقى حظك لو حتهرب  
من إديها..قبل ما تضرب  
دي الضربة من إيدها تعلم  
واسأل اللي ...مرة جرب  
إمشى فيها وخليك فى حالك  
وابعدھا عن فكرك وبالک  
وافتكر انک فايتهأ  
لا حينفعک جاهک ومالك

\*\*\*\*\*

———— للشاعر/ أیمن خليل ————

## أجمل ما فىكى

أجمل ما فىكى بينادىنى  
طبطنى علىا ودادىنى  
مهما غبت مسىرى راجع  
بس انا عنادى معادىنى  
\*\*\*\*\*

أجمل ما فىكى قلب طىب  
ما فى شىء فىكى يعىب  
وف هواكى سهم جارح  
خلى دمع العين .. قرىب  
\*\*\*\*\*

أجمل ما فىكى هو حبك  
قلبى كانن جوّة عبك  
دق قلبى ورمش عىنى  
من حنانك رق قلبك  
افتحى أحضان حنانك  
افتحى أحضان حنانك  
واحضنى كل البشر  
وافرشى بستان أمانك  
الألم زاد وانتشر  
نورى كل الدروب

واقفلى باب الهروب  
واوعى من يأس الغروب  
وادعى يمهنا القدر  
\*\*\*\*\*

واحضنى الفجر اللى طائر  
إملى كل الكون محبة  
والضمي فيها المصاير  
\*\*\*\*\*

إزرعى بسمه ف قلوبكنا  
نعمل الإخلاص واجبنا  
نتطرح الأيام سعادة  
والهنا بيقى ف نصيبنا  
\*\*\*\*\*

رجعى طبع التسامح  
الحقى الأمل اللى جامح  
تشرق الشمس ف عنينا  
تترسم أجمل ملامح

\*\*\*\*\*

## اعتذار

لو سمحتى إقبلى منى اعتذار  
صدقينى إنى صادق مش هزار  
إنى سايق لجل ترضى الأوليا  
لقت عليهم كلهم قبة و مزار  
\*\*\*\*\*

حاولت أرسم ضحكك بعد الجراح  
واجيب لساحة سكتك مليون براح  
واغزل كلامى بفرحتك بعد الضنا  
أدارى أحزان دمعتك بعد اللي راح  
\*\*\*\*\*

ووعدتك ان الليل حبقى نور نهار  
وان الخراب بعده حنلقى البيت عمار  
وكنت حازرع كل شبر ببسمتك  
واروي سنينك بعد شرقة جوف مرار  
\*\*\*\*\*

لكن شراعى ف بحري خيب سكتى  
هبت رياح الظلم هدت من عزيمته عفيتى

قاومت وبكل الأمل فوق الاحتمال  
لقت ضباب الغيم وفاضت من قساوته دمعتي  
\*\*\*\*\*

ورجعت لك مادد دراعي من جديد  
طالب مدد دفعة حنان حاصبح حديد  
بس اقبلي مني اعتذاري لحضرتك  
وصدقيني

\*\*\*\*\*

## أشعارى

صباح الخير وبكتب فىكى أشعارى  
وباعت لىكى أشواقى  
.. فى أوراقي وإشعارى  
وراسم وردتين ياسمين  
وكاتب تحتهم إسمين  
وشمس تنور الصفحة  
وشجرة توت وعصفوريتين  
صباح من حسنه يتمختر  
.. وزايد فى الدلال واكثر  
أنا على شطك الفتان  
وعايش فى الهوى عمريين

\*\*\*\*\*

## البعد عنك

بالى طال البعد عنك  
قلبى حاسس بالحنين  
لما غبت شوية عنك  
الثوانى بقت سنين  
بفكر أيام لقانا

والنسيم اللى ف هوانا  
والربيع دة كان معانا  
والقلوب الفرحانيين

الطريق عمال بيكتب  
كل لحظة مشينا فيه  
والشجر أوراقه تحسب  
كل لحظة حب ليه  
الزهور لونها شجاني  
والغرام حلى زمانى  
مش بلاقى حد تانى  
بالجمال اللى ف عنيه  
الربيع دبلت زهوره  
لما غاب عنى ظهوره  
والقمر خبى جمال

## همسك قصيدة

اكتبى همسك قصيدة  
كل كلمة أكيد جديدة  
كل حرف يقول حكاية  
كل لحظة شوق وليدة

\*\*\*\*\*

عيشينى ف أحلى حالة  
من كلامك..... والقوالة  
عطري سطورك.. بعطرك  
واسكرينى..... للثمالة

\*\*\*\*\*

زوقى شعرك..... يلالى  
سهرى..... نجم اللىالى  
والقمر طالع..... يغنى  
وافردى توبك..... تعالى

\*\*\*\*\*

اكتبى حروفك غناوى  
طمنى قلبى اللى غاوى  
ارسملى طريق واعدى  
صدقينى انى ناوى

\*\*\*\*\*

قلبى ناوى بكون سحابه  
نبح صافى من الطيابه  
جندي يحمى من الديابه  
كل وطنى جريئ يخواوى

\*\*\*\*\*

كنت واقف ع الحدود  
لما جه ف صدري البارود  
كنت حامى ترابك انتى  
كنت واحد م الجنود

\*\*\*\*\*

واتزرع حبك فى جوفى  
واترسم حلمى بكفوفى  
سبت وهمى وسبت خوفى  
والعيون السود.... شهود

\*\*\*\*\*

## يا جنبة

أقولك إبه يا جنبة  
ياسحرانى بموجة تميل بحنبة  
أقولك إبه وخلصت ف هواكى القول  
فمش ممكن ومش معقول  
أكيد باحلم وطال حلمي  
وانا من صبري .. من حلمي  
راح امسك نفسي عن نفسي  
وإلا حزور طبيب نفسي  
عشان اظبط مزاج الشعر ودماغه  
عشان خايف ميزان الشعر يتمرجح  
فايتزحلق واجيب داغه  
وينزل شعري متكسر  
فلا قافية ولا أوزان ولا مفسر  
أنا صابر ياست الكل  
واقولك كلمتين تصبيرة م الاخر  
صباح نادي .. نهارك فل.

\*\*\*\*\*

## افردى جناحك

إفردى جناحك..مودة  
مدي حبلى الحب مده  
أربطى حالك... بحالى  
إرمى أحزانك... تعالى  
خلى أشواقك..قبالى  
نلحق العمر اللى عدى  
\*\*\*\*\*

دى اللىالى ألمها... واعر  
طببىها.....بقلب شاعر  
واشربى م الحب سادة  
يعلى منسوب السعادة  
تبقى أفراحك.. وسادة  
واملى أيامك... مشاعر

\*\*\*\*\*

## العيون

العيون ..... متكحلين  
وف جمالهم .... سواحين  
رمش سارح ... ولا جارح  
خد طارح ..... وردتين  
والشفايف .... والله شاييف  
جوز فراولة .... مقطوفين  
مهما نتقابل ..... واحشني  
والغرام بإديك .... ناقشني  
ياللى م الآخر .... حايشني  
عن منامي ..... لك يومين  
\*\*\*\*\*

لما بتعدي ..... بهداوة  
الهوى ينسم ..... نداوة

واما تهمس.....ولا تلمس  
الهوا يهفهب. .... طراوة  
و انت عارف حبى جارف  
منه غارف.....وبشقاوة  
لو تقولى..... راح أقولك  
ولا حتّوه. ....حادللك  
قلبى هوّ اللى... فاضل لك  
بالوداد مش.....بالعداوة

\*\*\*\*\*

## السعادة

السعادة شعور جميل  
للمحبة أكيد دليل  
تختفي معاه الألام  
ينتهي الليل الطويل  
تبقى حالة إرتياح  
للمصالحة وللسماح  
والنفوس تفرح وتهنا  
بالتوسع والبراح  
بس فين هي السعادة  
فين يا عالم فين يا سادة  
في الحقيقة ناقصة جدا  
حتى طعم الحلو سادة  
نفسنا ف حبة سعادة  
تبقى عايشة بينا عادة  
مش ندور كل يوم  
م الضحى لحد الوسادة!؟  
السعادة في الشعور  
مش كلام زي القشور  
في الأساس جوة الحواس  
تلقى ناس زي العطور

تعطرك بحبة سعادة  
تعيش في حالة انبساط  
تلقي روحك كل مادا  
طايرة فوق على البساط  
السعادة عملة نادرة  
مش بمال ولا قوة قادرة  
السعادة في العدالة  
في التلاقي وفي المبادرة  
في الإخاء وفي الصداقة  
في ارتقاء جوة العلاقة  
بين سيادة وبين شعوب  
مش بفاصل م الصفاقة  
السعادة مش فراسة  
مش بنادق مش حراسة  
السعادة طبع راقى  
مش علام ولا فيه دراسة  
السعادة حق لينا  
بيقابلنا ويلاقينا  
منحة واجبة من والينا  
مش بيعنا ويشترينا؟؟

\*\*\*\*\*

## الحياة ايام تفوت

الحياة ايام ..... تفوت  
يوم يهدي .... ويوم يعدي  
ويوم بيدي ويوم سكوت  
يوم بياخذ ..... حاجة منك  
ويوم جراحه .. غصب عنك  
ويوم تحس ..... فيه كأنك  
صرخة عالية.. بألف صوت  
الحياة ايام..... ودائرة  
وانت فيها ..... جوة دائرة  
تيجي تلعب .. انت تتعب  
تلقى دمة ..... عين وحائرة  
وان حاولت ف يوم تصالح  
أو تدور ع ..... المصالح  
راح تقولك ..... مالي صالح  
وتناديلك ..... بالمعايرة

## التارىخ

التارىخ كاتب كتابه  
والزمن حاسب حسابه  
عمرنا وسنين حياتنا  
بين سعاده وبين جنابه  
حلمنا بيشد فينا  
والأمل راكب سفينة  
ماشية بينا حبة حبة  
لينا وقت ولينا مينا  
كل دقة قلب تحسب  
تخصم الأيام وتكتب  
خلي بالك حالى حالك  
خلي عمرك كله مكسب

\*\*\*\*\*

## المصطفى الهادي

يارب صلِّ على النَّبِيِّ محمداً  
فهو رسولُكَ مصطفىاً الهادي  
نورٌ تجلَّى بالسَّماءِ وقد بدى  
بالأرضِ فيضاً في هدى العبادِ  
يا من حملت رسالةً ومُجيداً  
عهد الإله ومآحى الإلحادِ  
فإنَّه أشهد بالنبي مُجددًا  
فرضاهُ ذاتي ومشربي وعتادي

\*\*\*\*\*

## المبتدأ انت

المبتدأ إنت .. وأنا الخبر ..

هو الغرام بقى جملة تتحاكى كلام ؟

ياخبر!!

الحب حالة بتتسكن جوة الكيان

مع روح تطير تلمس بإحساسها القمر

ترسم قلوب فوق فى السما

ألوانها بتشع بحنان

تعمل نجومها أوسمة

فتلاقى أشكالها .. جنان

سحر الغرام مالوش دوا

علة تصيب مالهاش طيب

غير الحبيب

هو اللي فى إديه الأمان

أوصف فى إيه

والحب حالة ما تتوصف

— ديوان احساسى بىك —

لحظة تلاقى القلب فىها بىتخطف  
زهرة رىحان فىفضل عبىرها وعطرها  
مالى المكان  
لو حتى بعد ما تتقطف  
أوصف فى إىه  
والوصف فوق مجرى الخىال  
فوق الاحتمال  
فالقلب مولود من جدىد  
أول .. ما مال

\*\*\*\*\*

— للشاعر/ أىمن خلىل —

## اللى ممكن

اللى ممكن.....تهديهورلى  
ود مذهب.....حب لولى  
فص ألاماظ.....السعادة  
من جمالك.....نورولى  
إهدى إحساس.....كله ماس  
أكدي عمق.....الأساس  
سطرى خط.....السعادة  
حافظى داىما.....ع التماس  
لونى أيام.....حياتنا  
زوقى روحنا.....وذاتنا  
زخرفى مفرش.....حنانك  
والضمى الفرحة.....بعيشتنا  
حسسىنى بكل.....همسة  
كل غنوة.....وكل لمسة  
او عى يوم تنسى.....اللى بينا  
واو عدك....انا مش راح انسى

## اللى خان

اللى خان الدم ..... فينا  
واللى باع ف ضميره بينا  
اللى بيروع ..... نفوسنا  
واللى بيدمر ..... ده مين؟؟  
أي ملة وأي ..... دين  
ترضى بالصدر ..... اللعين  
تقبل الإرهاب ..... ده كله  
اللى باقى ..... من سنين  
استباحوا الروح ... بقسوة  
والخيانة بقت ..... سبيل  
يلقوا في إرهابنا ... شهوة  
واللى يحصل ده .... دليل  
كل يوم بنشوف .. فجيرة  
من نفوس رمة. ووضيعة  
والبراءة بقت .... صريعة  
واحنا ميت مليون حزين

\*\*\*\*\*

## الفل

صباح الفل والياسمين  
ياطارحة م الجمال بساتين  
صباح الرقة والهمسة  
وانتي الشط والمرسى  
وعنواني وأحبابى وأهل الخير  
وقلبي م الغرام هايم وطاير طير  
صباحك فى الأفق بدر  
وعطرك فاح عبير عنبر  
ونور لى طريق عمري وخط السير.

\*\*\*\*\*

## النعم سكتك

ياللى النعم.. سكتك  
فيها الزهور.. عشرات  
ليه الخجل... سكتك  
بين لي لو... إشارات  
قلبي أنا..... بسكتك  
بانتي عليه... بشارات

\*\*\*\*\*

ياللى الحنان دينتك  
فيها الجمال.. ألوان  
باين بياض... نيتك  
ظاهر في كل مكان  
اسقيني.. من مينتك  
أشرب كمان وكمان

\*\*\*\*\*

ياللى الغرام .... دوبك  
حاسس .... انا بحالك  
حتى البعاد ..... غلبك  
ليل النجوم .... حالك  
سهر الهوى ..... قلبك  
وانا حالى من .. حالك

\*\*\*\*\*

## ألك مع قلمى

ألك .. مع قلمى  
عملوا سوا حكاية  
الحبر من دمي  
والصفحة جوايا  
قصة بغير عنوان  
فبها الكلام أحزان  
صورة بدون ألوانو  
سكة بلا نهاية  
همك .. مع همى  
بدأوا طريق محسوب  
زود معاه ألمى  
مع القدر مكتوب  
حقيقة أو أحلام  
واقعنا بقى أو هام  
فاصل مع الالام  
والوضع بالمقلوب

## دمعة عىن

او عى دمعة عىن تخلى  
حلم عمرىك ىنتهى  
دارى احزانىك تمللى  
واوعى روىك تشتكى  
دة الأمل مادد دراعه  
والربىع فارد شراعه  
عىش القلب ف متاعه  
خلى بكرة بىتدى.  
او عى لحظة خوف تخلى  
شعور بضعفك ىهزمك  
مد اىدىك فوق وعلى  
واوعى حد ىأزمك  
روح لىكرة حتلاقىه  
المحبة ساكنة فىه  
جرحك الألفة تعافىه  
والمحبة تعزمك

## لو غىبىتى

لو غىبىتى عنى تحتار عىونى  
رمشك خدودك بىجننونى  
أصلك مارىة یا اسکندرىة  
یالى ف هواكى تسهر جفونى  
وان كلمونى عنك یا شابة  
أقول علىكى للعشق حابة  
بعشق شقاوتك وادوق حلاوتك  
وانا من غلاوتك أحدى الأحبة  
ولما أشوفك أغزل كلامى  
وارمى شباكى وارسل سهامى  
ومرة ادندن ومرة افنن  
حسنك یجنن حروف كلامى  
واحلف بانك عروسة لولى  
ومهما عنك یجوا یقولو لى  
أنا عندى مهرك وادوب فى سهرك  
ماهو أصل بحرک أدبى علامى

\*\*\*\*\*

## أنا المسؤول

انا لىه حى وف حزنك  
كما المقتول؟  
قولىلى لىه وانا عشقى  
ف هواكى يطول  
ولىه شوفت المرار كاسى  
وظلم الدنيا بقى كاسى  
و لىل اللىأس أهو قاسى  
قولىلى يا شىخة انا ف عرضك  
غلبت أقول.

انا مستنى .. على عهدك  
لحد ما ينصلح .. عهدك  
انا اللى شربت من نهدك  
ومش ممكن راح اتخلى  
.. وانا والمسؤول

\*\*\*\*\*

## على حدودك

أنا الواقف على حدودك..  
وقلمي سيفى وسلاحى  
ربطت وجودى بوجودك  
وبكتب حرفى بكفاحى  
انا بكرة أنا امبارح  
ومهما اليوم يكون جارح  
وليل الغربية بقى سارح  
راح استنى شعاع النور  
يفك قيودى وقيودك.

\*\*\*\*\*

## أم الشهيد

يوم ميلادك كان لى عيد  
القلب طار من فرحته  
وقعدت أغنيك غنوة الوليد  
الكل شارك فرحتى  
وجم يهنوا  
وغنوا معايا غنوتى  
وشوفتك بتكبر يوم بعد يوم  
وبتملى عليا دنيتى  
ولما كنت تغيب عن عنيا ..يا ضنايا  
قلبى كان جوه منى بيتخلع  
ولما ترجع  
ترجع الضحكة وترجع بسمتى  
وف كل يوم تسألنى نفس الاسئلة  
يعنى ايه كلمة وطن ؟ كلمة أمان؟  
يعنى ايه كلمة كفاح؟ كلمة سلاح؟  
كنت أجابك نفس الجواب  
الوطن .. أرض وسما .. أمن وامان  
أمل .. وحنان

ولما بىضىع الامل.. ويتسرق منا الامان  
يبقى الكفاح.. هو السلاح  
وكبرت أكثر.. وكبرت معاك المعانى  
وف يوم غيابك الاخير  
حسيت بقلبى غير كل مرة  
ساكن ضلوعى بس خايف  
كتمت خوفى ..جوة جوفى  
حسيت بطيفك..فتحت الباب  
بصيت من الشباك  
بس مش شيفاك  
ولما قالوا ابنك بطل يأم الشهيد  
قعدت أغنيك غنية الشهيد  
وجم يهنوا  
وغنوا معايا غنوتى

\*\*\*\*\*

## بسم كلامك

بسم كلامك..... زقزقة  
تطلع حروفك... شفشقة  
شجرة فروعها... مورقة  
وانا زهرة بتنتبت.. رحيق  
بيمس طيفك..... خدها  
تاخذ حنانها..... وودها  
مين اللي فرحان... قدها  
وياالنسيم إحساس رقيق  
يا مهجة القلب..... اكتبى  
واوعى فى مرة.... تغيبى  
على كف عمري واحسبى  
خطواينا من أول .طريق  
أول ما شوقتك... واتبنى  
حلم اللقا..... أجمل منى  
اتبدل الهم..... لهذا  
طيفك هنا... أجمل رفيق

\*\*\*\*\*

## على جبينك

برسملك على جبينك  
أمل يسعد محبينك  
عشان بكرة انا حاسس  
يعود نجمك وحينافس  
ويمسح حزننا البائس  
وتبقى فوق عدوينك  
\*\*\*\*\*

وحرسم ورد على خدك  
وافصل توب على قدك  
واعيش واقف في محرابك  
واطهر روحى بترابك  
واطير مع كل اسرابك  
وأزرع بالأمان أرضك

\*\*\*\*\*

## بحلم بيوم

بحلم بيوم  
اشوفك يا منى عينى  
والبسمة بتمسح دمة الحزن ف عنكى  
والضحكة تعود تنور ع الخدود  
بحلم بيوم من بعد الهموم  
اترمى ف صدرك  
أطبطب علىكى  
ما انتى الامان  
وبحر من الحنان  
فارد شراع الصبر فيه  
ومركب الحب يواسىكى  
وف كل طلعة شمس

وظلة نهـار  
انده علىكى .. بىك مافيه من قوه  
واقول يا امى أفدىكى بروحى وبدمى  
قلتها لما كان ف القلب نار  
قلتها ف العتمة وف عز النهار  
قلتها لما ملبت الانتظار  
بس او عدك .. و وعد الحر دين  
لرجع البسمة لعنىكى .. مع الصبح الجديد  
رافع رايات النصر.. أو ملفوف فى كفن الشهيد

\*\*\*\*\*

## بحر الغرور

إياك بحور الغرور تاخذك فى دوامة  
والكبر ياخذك وتغرق ما تلقى عوامة  
خلى التواضع صفة تعلق بمعانيها  
تكبر فى عين الناس وترتقى فيها  
وابعد شرور النفس دي النفس لوامة

\*\*\*\*\*

بحر الغرور غرقك من كتر عومك فيه  
والكبر نار تحرقك من كتر حبك ليه  
لا غرور حيوصالك للى بتحلم بيه  
ولا كبر راح يسعدك دة كلامي فكر فيه

\*\*\*\*\*

بحر الغرور خيبك والكل شاف خيبتك  
والكبر اهو عيبك ضيعت ليه طبيبتك

— ديوان احساسى بىك —

لا حد حىعبرك ولا يحترم شىبىتك  
ولا حد حىقدرك راحت علىك هىبىتك

\*\*\*\*\*

— للشاعر / أىمن خلىل —

## بتنادوا مين

بتنادوا مين؟؟

هو ندا راح يسمعه الميتين؟

ماتت نفوسهم من زمان

مات العلم بعد الألم..

مات الميدان

واتكفوا جوه الهوان..

مابقاش يفيد صوت ندا

ولا حتى صوت ندهة أذان

علشان بقينا .. مغيبين.

دبحوا الكرامة تقربا للمعتدين ..

سلخوا الجلود..

دهسوا الحدود..

داسوا على تراب الجدود..  
والنهار بقى لىل حزين.  
بتنادوا مين؟ ..  
ومين حىسمع للندا ..  
ومىن حىطلع للكفاح  
ماسك سلاحه للفدا..  
وىلبى حى على الفلاح  
روايات قديمة مقدة ..  
ملعون أبوهم ... مجرمين

\*\*\*\*\*

## اىاك تفكر

اىاك تفكر ان لىاك  
طوله حىزود فى وىلك  
مهما طال اللىل مولى  
الضباب فاىت مجلى  
والنهار طالع محلى  
نوره راح ىشفى غلىلك  
حب بكرة حنلاقىه  
جاي مادد لك ادىه  
هو عاوزك روح نادىه  
وخلى احلامك دلىلك

\*\*\*\*\*

## تخافى ليه

تخافى ليه..... وانا جنبك  
فلا ذنبى..... ولا ذنبك  
ومش ممكن يهون الشوق  
ويفضل قلبى.... مع قلبك  
انا عاشق..... ملاه الشوق  
وطاير من..... هوايا لفق  
ودايق من... المحبة دوق  
روانى من..... الغرام حبك  
\*\*\*\*\*

ومين غيرك الاقى بديل  
ونار حبى وغرامى دليل  
أعد نجومى... مع سهري  
وليل الشوق علىا طويل  
انا والموج.. على هواكى  
وقلبى م الفراق... شاكى  
وحالى من الغياب باكى  
بعادكوكل اللى بيعشق حد

وكل اللى بيعشق حد  
هنا يوصف ضناه والغلب  
يا رافع فى غرامى الحد  
وكاتب فى سمايا الحب  
يا مالك بالهوى .... حالك  
وفارد فى..... الهوا شالك  
وكايد.....كل عزالك  
انا مستنى.... ألقى القرب  
\*\*\*\*\*

وقلبى..... يدق تنهيدك  
يعم علينا..... نور وسلام  
بريد الحب..... وبريدك  
وبينا معانى.... أحلى كلام  
انا فاتح..... ببيان سعدي  
وحافظ فى.. الوداد وعدي  
فعدي..... للهوى عدي  
تعالى لبختنا..... لقدام

\*\*\*\*\*

## غرامى حروف

وبكتب من غرامى حروف  
وبوزن من قساىدى ألوف  
عشان أزل هواكى توب  
واخلى اللى ماشافش يشوف  
انا شاعر..... باحساسى  
وحبك تاج..... على راسى  
على جبينك..... يشع النور  
ورمشك..... هو وناسى  
\*\*\*\*\*

ومش ساكت..... ولا هادى  
فنادى ع..... الوداد نادى  
عبيرك فى... الهوا بيطوف  
وطيرك فى... الغرام شادى  
حقيقى هواك مالى الكون  
معاكى منين غرامى يكون  
انا شايفك.... بأحلى عيون  
جمالك من..... بعيد بادى



## وانا بسلم

وانا بسلم..... وبتعلم  
معاكى ..... القلب يتكلم  
ويحكى فى ... هواكى كتير  
يشوف رمش الهوى يسلم  
ومهما يطول .... كلام حبى  
فمش ممكن..... حيثألم

\*\*\*\*\*

يامالى ....بالغرام كاسى  
ووردك فى الربيع كاسى  
عبيره من ...بعيد بيفوح  
عيونك هما..... حراسى  
سماك أرضك بقوا وطنى  
عيونك من. زمان سكنى  
ورافع ع... المدى شانى  
وزاد الحب .....إحساسى

\*\*\*\*\*

مدام الحلم..... حيجينى

حفتح للهوى... سنينى  
وأقول يا قلبى مين قدك  
ملاك فلى... ورياحينى  
يابسمة ع الخدود بسمة  
معاك البخت و... القسمة  
وراسم فى.. اللقا رسمة  
دة لما أجىلو.. ويجينى

\*\*\*\*\*

## هو انا برى ء

مفیش حد ف هو انا برى ء  
وشعلتلى فى .. قلبى حرق  
بعوم على بحر..... أحلامك  
وحاسس فى هواكى غرق  
وبرفع فى السما... شرعى  
حكون لىكى .... أمين راعى  
وفارد فى ..... الهوا دراعى  
ومش ممكن. زمانى يضيق  
\*\*\*\*\*

عىونك فى الغرام قالت  
جفونك م الهوى مالت  
بتسهر كل... ليلة تقول  
ودمعة من البعاد بتطول  
فانا حاسس ... بدمعتها  
وحرقتها..... ولوعتها  
حجىها لحد... باب بيتها  
وحشرح فى هوايا وأقول

انا اتعلمت..... فيكي القول  
ومن فرط الغرام ..راح اقول  
بحب الحب ..... علشانك  
ودة لوحده في شرحه يطول  
انا واضح ..... ولا بداري  
وعارف وضع .....مقداري  
اكيد احساسى..... يوصلك  
بيعزف كل .....أوتاري  
\*\*\*\*\*

انا حاكتب كتاب في هواك  
وحوصف فيه بحب غلاك  
وحرسم صفحة ..بالألوان  
تلون لون .....هنايا معاك

\*\*\*\*\*

## تاج الكرامة

تاج الكرامة اترسم  
لاىق على جبينك  
انت الحياة والدم  
....واحنا رباحينك  
مصر الوطن والأم  
..أرواحنا حراسك  
والأمة لو تنقسم  
تنزف شرايينك  
يامصر توبك أمل  
والحلم مستني  
حافظ تراك أنا  
في القلب والنبي  
يارض يا مؤمنة  
محروسة من يومك  
حافظك إله السما  
م الإنسى والجنى

## حكايات

بيحكوا عن الوطن حكايات  
كلام حواديت وتسليات  
عن الوحدة اللي دابت دوب  
وكان غالب بقى مغلوب  
وكان مليون بقى مكبوب  
فوقعت كل أشنابه  
ولعبت كل أذنايه  
ووقف الظلم على بابيه  
واصبح من العدو شحات  
ومين حيخلص القصة  
وينهي الدرس والحصة  
ويعمل حد ونهاية  
ويرفع للوطن راية  
ويعمل م الامل غاية  
يرجع حلمنا لينا  
وييني بايده واديننا  
يزهر كل واديننا  
وينهي المر والغصة

## بكرة جاي

يا شباب آن الأوان  
بالأمل ويا الإيمان  
يتحول الخوف للأمان  
ونحضن الأرض بحنان  
بكرة جاي

يتحقق الحلم بكفاحنا

نسبق الدنيا بأملنا

نبنى و نعلي في وطننا

بعزما نحقق هدفنا

بكرة جاي

بكرة جاي وحيبقى أحلى م اللي فات

والإرادة أكيد تحقق معجزات

دة الوطن راجع بقوة وبثبات

طول ما تبقى وحدثنا من غير شتات

بكرة جاي

بكرة جاي وينتظر منا الوعود

ومش حيمنعنا حواجز أو حدود

والسلاح حىكون عزىمة مش بارود  
دة الوطن مستنى مجده ف يوم يعود  
بكرة جاي  
بكرة نلغى حتى كلمة مستحيل  
وتعلى رايات الوطن جيل بعد جيل  
نفرد شراع الفجر فى الليل الطويل  
تطلع شمس الفرحة فى يومنا الجملى  
بكرة جاي  
بكرة جاي بالسلام والإتحاد  
نغزل خىوط تربط حدود كل البلاد  
نغنى أناشىد الربىع فى كل واد  
نرفع علم وحدتنا بأىادى الولاد.  
بكرة جاي

\*\*\*\*\*

## بقول موال

بقول موالى  
وفى ضىك أنا سهران  
فى لىل قمرىك  
ىاجنة عمرى وصباىا  
ىا ضحكاىة  
ىانسمة تعدى  
وتهفف على قلبى  
وقلبى فى جوفى متخبى  
لكن نبضه ىزلزل روى وكىانى  
ومن ثانى  
بقول موال على حالى  
وحالى حال  
ومهما الىل على طال  
حىجى نهارى وىنور  
ومهما ألف وأدور  
حلاقى طىفك الدافى  
ىكون لى من الألم شافى  
ومجدافى فى بحر هواكى مش كافى

لابد يكون دلىلى فى لىلى قندىلك  
ىزىح لىلى  
ىهدى لى بحور الشوق  
أعدى شطه وأجىلك  
بقول موال وانا شایفك  
وانا حاسس بأن الكون بلون وردى  
عبیره ىعدى وىهدى على خدى  
ىزىل دمة عىون سهدى  
وىمسح لمحة الأحزان  
ىخلینى أكون انسان  
أكون عنوان لأحلامى  
وأىامى تكون النور  
فى عز العتمة  
تبدد كل أوهامى  
بشوف صورتك أنا تخاطىف  
ومن عىنك... بقول یا لطىف  
فنظرة بتوه فى.... تفاصىلها  
ونظرة احترار مع التوصىف  
\*\*\*

وبىن الخطفة ..والخطفة  
بتوه فى الحارة والعطفة  
بحس بروحى..... هيمانة  
ومقطوف النفس.. قطفة

\*\*\*

وباسرح فى الهوى سرحان  
مايىن مهموم وبيىن فرحان  
فمرة أشوف.... حياة ضلمة  
ومرة بحسها .....ألوان

\*\*\*

فرقى علىا..... لو مرة  
بلاش الهجر ..... بالمره  
وطعم الحلوة ..من بعدك  
على لسانى..... بقت مره

\*\*\*\*\*

## بشيل همك

على كتافى بشيل همك

واداوى بدمى احزانك

وألمى يهون فدا ألك

واضحى بنفسى علشانك

انا الصرخة فى جوف مكلوم

بيستنى دوا شافى

وانا الدمعة فى عين محروم

بيستنى حنان وافى

انا الصرخة وانا الدمعة

ومهما الدنيا مش سامعة

———— ديوان احساسى بىك ————

لكن حلم الأمل صافى

أمل بكرة انا شايفه

نهار ماددى درعاته

حيجى بكل اوقاته

يندى رملة الصحرا

وتطرح زرعته بكرة

\*\*\*\*\*

———— للشاعر/ أىمن خليل ————

## حبة تراب

طرحت بساتين الأمل  
حنضل مرار  
واللى صار.. خلى عقلى  
منى طار  
خلوا ورد فى يوم ربيعته  
يدبل فى عوده  
واللى قدم التهاني والوعود  
خلف وعوده  
حوطه بقضبان حديد  
لجل ما يحبس عبيره  
من جديد  
..خلوا الوليد

..ينزل ويلعن سلسفيل

أبو الربيع

خلوه يقول انه سواد

وحط بينا .. وبالعباد

خلوه يقول ده أصله عام

وانفلت فيه الزمام

رجعنا فيه لخمسين سنة

وبقت لبانة ونقورة

زادت كمان المسخرة

اه.. عايزينا كدة

نقول كدة

حتى مناهج التاريخ

بقت كدة

اتمسح منها البطولة والفدا

وانكتب أن الربيع ..حل بخراب

— ديوان احساسى بىك —

حتى دم الشهدا .. داب  
والنتيجة يا شباب  
انهم خلوا الذهب  
حبة تراب

\*\*\*\*\*

— للشاعر/ أىمن خليل —

## جناك المودة

إفردى جناحك.. مودة  
مدي حبلى الحب مده  
أربطى حالك... بحالى  
إرمى أحزانك... تعالى  
خلى أشواقك ..قبالى  
نلحق العمر اللى عدى

\*\*\*\*\*

دى اللىالى ألمها... واعر  
طبيها ..... بقلب شاعر  
واشربى م الحب سادة  
يعلى منسوب السعادة  
تبقى أفراحك.. وسادة  
واملى أيامك... مشاعر

\*\*\*\*\*

## جمال الروح

بحبك حب يملأ الكون  
مساحة كبيرة م الإحساس  
وساحة تساع جميع الناس  
لو اتقاست اكيد حتغطي ميت مليون  
نهاري في الهوى قصير  
وقلبي عمره ما اتبدل ولا تغير  
لكن ليلي ف هواكي طويل قوي .. مجنون  
انا عاشق جمال الروح  
وباني من غرامي صروح  
ياضمه روعي في كيانك فعائش جوه احزانك  
ومهما قلت علشانك  
حيفضل للكلام باقي  
بيجري في نهر أشواقي

فمحتاجله الآت للفرع وسواقي

عشان يروي شقوق العشق فى عيونك

فيحلى فى العيون طيفها

فاغنيها واغازلها والاطفها

واكون حارس أمين ليها

واقف مرصاد لخاطفها

فمش ممكن أكون ناسي

ولا بايع لإحساسى

ولا شارى لغيرك حد

وقاطع فى عهدى الحد

ولا ضم روحى مع روحك

صراحة هواك فاق الحد

بجد هواك فاق الحد

## جرفونى

جرفونى ..... و بهدلونى  
باعوا أرضى.. وجوعونى  
هدوا حالى وسرقوا مالى  
وأكلوا خيرى.. وشحتونى  
دوخونى ..... ف كل وادى  
شمتوا فىا..... الأعدى  
لىكى حبى ..... يا بلادى  
مش حافتك... لو فاتونى

\*\*\*\*\*

## ثورة يناير

كلنا فى ثورة يناير  
كل ثائرة وكل ثائر  
قمنا طالبنا بحقوقنا  
من كل ظالم كل جاير  
والهتاف هز الميدان  
والجرس حزن الأذان  
والقلوب فى النبض واحد  
دعوة واحدة ع اللي خان  
عشنا فيها وعاشة فينا  
مهما مرت من سنين  
لا يوم شردنا أو نسينا

———— ديوان احساسى بىك ————

مهما عملوا المفسدين

اه يا غالى يا بناير

ذكرى باقية فى الصدور

ليه تبيعوا فى الضماير

اللى مش عاجبه يغور

\*\*\*\*\*

———— للشاعر/ أيمى خليل ————

## تعبان بقالى سنين

تعبان بقالى سنين  
أصل الألم ألمين  
ألم علاجه الدوا  
وألم علاجه الهوى  
بس الغلا والكوى  
نزل دموع العين  
وانا كنت مستنى  
تعبي يروح منى  
لكن أهو خانى  
ما اعرف أجيله منين  
يمكن يجينى يوم  
لافيه عتاب ولا لوم  
يصحى الأمل م النوم  
وألقى الفرح فرحين

## حلى القيود

حلى من إيدي القيود  
وارسمى خط البداية  
وابعدي عني الحدود  
واسمعي صرخة ندايا  
واكسري عني الجمود  
وارفعي للحق راية  
واهدمي بينا السدود  
وعلي للعدل البناية

\*\*\*\*\*

## حلمك معايا

إحلمي... حلمك معايا  
وارسمي طيفك هوايا  
واكتبى.... للحب كلمة  
تبقي ترياقي.. ودوايا

\*\*\*\*\*

إعزفى..... لحن و غناوى  
واطربى حالى اللي غاوى  
كل نعمة أعيش.... معاها  
كل جرح كبير..... يداوى

\*\*\*\*\*

دوقينى..... كل شهديك  
خلي ننى العين يشاهديك  
كل صورة..... حلمت بيها  
هى بالتأكد... مشاهديك

\*\*\*\*\*

## حكايتى

حكايتى يا قصة ...مكتوبة  
وخطوة بخطوة.. محسوبة  
طريقي فى الحياة مرسوم  
بلوحة..... وريشة موهوبة  
يا بكرة يا جاي..... مستنى  
وأملى بحلمى..... متحنى  
وبين ذكرى..... وبين فكرة  
ليالى العمر..... مسلوبة

\*\*\*\*\*

## حقى حلمك

حقى حلمك باىدك  
واعبرى حدود المحن  
وارسمى الفرحة فى عىدك  
وانسى لحظات الوهن  
رسى على شط الأمان  
بالعزيمة وبالإيمان  
واسقى اولادك حنان  
كونى درة للزمن  
ارفعى راية العمل  
كونى بسمه ع الشفايف  
قوة دافعة للأمل  
للى مظلوم واللى خايف  
شقى للعابىر قناه  
كونى للصابىر نجاه

## اكتبى حروفك

اكتبى حروفك غناوى  
طمنى قلبى اللى غاوى  
ارسملى طريق واعدى  
صدقينى انى ناوى  
قلبى ناوى يكون سحابة  
نبح صافى من الطيابة  
جندى يحمى من الديابة  
كل وطنى جريئ يخاوى

\*\*\*\*\*

كنت واقف ع الحدود  
لما جه ف صدرى البارود

— ديوان احساسى بىك —

كنت حامى ترابك انتى

كنت واحد م الجنود

\*\*\*\*\*

واتزرع حبك فى جوفى

واترسم حلمى بكفوفى

سبت وهمى وسبت خوفى

والعيون السود.... شهود

\*\*\*\*\*

— للشاعر/ أىمن خليل —

## الحلم متجسم

حجىلك لو أطول طائر حاملنى الرىح  
وحامل صحبة من ورد الهنا وتفارىح  
خلاص قلبى حىتبسم .. حىتبسم  
حىبقى الحلم متجسم ..  
مفىش أحزان .. مفىش بُعدك  
مفىش مجارىح ..  
وحلمس توبىك الوردى ..  
واحنى كفى بعطورك ..  
اناى طىفك الحانى ..  
فتماىل بألحانك وألحانى ..  
واقول كلمة وبتردى ..  
أشوف بسمة على خدك ..  
فىكمل نورها على خدى ..  
حجىلك قبل نور الفجر ما يفتح عىون لىلى ..  
نعىش فاصل مع بكرة ..

أغنىلك .. تغنىلى ..  
زىدىنى كما ان فى تنهىك  
بأنغامك وغناوىكى وتلحنىك  
وفاصل م الغرام يشجى  
يضىف إبداع لتكوىنك  
انا طائر مع الكلمات وتراكىبك  
وكل شعور بىدفعى  
لقمة نشوة الامتاع  
ولو مرة يودعنى  
راح أعلن إن قلبى ضاع  
زىدىنى عشقك الفتان  
وقولى م البدع ألوان  
ما انا برضو بقدر كل شىء غالى  
وانتى للجمال عنوان

## غصن الأمان

دبلان ياغصن الأمان

وعطشت حرية

ونشفت زهور الأمل

على يد دورية

بدل ما تروي البذور

بخت غازات حية

خلت كيزان الدرّة

على الارض مشوية

دبلان ياغصن الأمل

والزهر بات يىكى

يامين يشوف دمعته

ولالمين يشكى

المفتري برأوه

— ديوان احساسى بىك —

وضحوا بالشاكى

اقول ملين كلمتى

..دة انا باحكى

فى المحكى

\*\*\*\*\*

— للشاعر/ أىمن خليل —

صفحة ٣	- إهداء
صفحة ٥	- تقديم
صفحة ١١	- آخر نخرىف
صفحة ١٣	- أحوال غرىبة
صفحة ١٥	- أجمل ما فىكى
صفحة ١٧	- إعتذار
صفحة ١٩	- أشعارى
صفحة ٢٠	- البعد عند
صفحة ٢١	- همسك قصىدة
صفحة ٢٣	- ياجنىة

— ديوان احساسى بىك —

- افردى جناحك — صفحه ٢٤
- العيون — صفحه ٢٥
- السعادة — صفحه ٢٧
- الحىة ايام تفوت — صفحه ٢٩
- التاريخ — صفحه ٣٠
- المصطفى الهادى — صفحه ٣١
- المبتدأ أنت — صفحه ٣٢
- الى ممكن — صفحه ٣٤
- الى خان — صفحه ٣٥
- الفل — صفحه ٣٦
- النعيم سكتك — صفحه ٣٧

- المك مع قلمى — صفحة ٣٩
- دمعة عين — صفحة ٤٠
- لو غبتي — صفحة ٤١
- انا المسؤل — صفحة ٤٢
- على حدودك — صفحة ٤٣
- ام الشهيد — صفحة ٤٤
- بسمع كلامك — صفحة ٤٦
- على جبينك — صفحة ٤٧
- نحلم بيوم — صفحة ٤٨
- أسطورة العشق — صفحة ٤٩
- بحر الغرور — صفحة ٥٠
- بتنادوا مين؟ — صفحة ٥٢

- اىاك تفكر — صفحه ٥٤  
— تخافى لىه؟ — صفحه ٥٥  
— غرامى حروف — صفحه ٥٧  
— وانا بسلم — صفحه ٥٩  
— هو انا برىء؟ — صفحه ٦١  
— تاج الكرامة — صفحه ٦٣  
— حكايات — صفحه ٦٤  
— بكرة جاي — صفحه ٦٥  
— بقول موال — صفحه ٦٧  
— بشيل همك — صفحه ٧٠  
— حبة تراب — صفحه ٧٢  
— جناحك المودة — صفحه ٧٥  
— جمال الروح — صفحه ٦٧  
— جرمونى — صفحه ٧٨  
— ثورة يناير — صفحه ٧٩

— ديوان احساسى بىك —

- |         |                    |
|---------|--------------------|
| صفحة ٨١ | - تعبان بقالى سنين |
| صفحة ٨٢ | - حلى القبود       |
| صفحة ٨٣ | - حلمك معايا       |
| صفحة ٨٤ | - حكايتي           |
| صفحة ٨٥ | - حقى حلمك         |
| صفحة ٨٦ | - اكتبى حروفك      |
| صفحة ٨٨ | - الحلم منسجم      |
| صفحة ٨٠ | - غصن الأمان       |
| صفحة ٩١ | - الفهرس           |

\*\*\*\*\*



مع تحيات دار الحسينى للطباعة والنشر والتوزيع

رئيس مجلس الادارة

عبد القادر الحسينى

المشرف العام

محمد عبد القادر الحسينى

المدير العام

عصام عبد القادر

نائب المدين

مختار عبد القادر الحسينى

الهيئة الاستشارية للدار

الدكتور حسام عفتل      الدكتور على جاد الحق

الدكتور لطفى سيد صالح      الدكتور بسيم عبد العظير

الاستاذ عاطف عز الدين

للشاعر / أيمن خليل